

四庫全書

集部

欽定四庫全書

御製詩五集卷九十三

古今體二十九首

乙卯一

乙卯元旦

心願符初六旬歲

子自丙辰踐阼以來乾惕日增肝膈相繼光陰往苒今歲乙卯竟週六甲

迴憶即位之初焚香告天惟願在位得至六十年即當歸政何幸年臻耄耋查身體康強每日勤政勅幾無

殊往昔當寧壽宮初葺時即有符望簡逆初堂之願今幸心願符初矣

天恩賜百二十

平春

依古以來祖德兩代享國百二十餘年者史牒具在未之有聞而今歲二

月遇閏九十春光行成百廿太和朔洽元氣  
針長運數適相符合益昭  
息貺獨優  
敢如

皇祖多餘數

上聲 朕在位日久海內臣民愛戴之情  
出於真悃又見予精神強健莫不願予弗

即歸政蒙古諸藩皆予先孫輩行親愛不啻家人父子  
即外藩朝貢諸國承事日久接踵來賓諒亦無一願予  
歸政者然朕當即位之初已默陳不敢上同  
皇祖在位六十一年豈因藐躬康健遲違初願耶  
誠幸

朝家第祿頻

孔子論治以必世百年為難過形之歎慕  
皇祖與予御宇皆閱兩必世合計之

則百年而過其數矣非敢侈運會之隆所幸我大清熙  
洽駢增如卷阿所云爾受命長第祿兩康詩人以為頌  
詞者今何修  
而重疊過之  
三代問誰幾週甲藐躬惕已益增寅增寅以

實無虛語惟有惠鮮

平 鼎愛民

書無逸惠鮮鰥寡孔安  
國傳云加惠鮮之鰥寡

之人陸德明釋文鮮音息淺反如其說是鮮之鰥寡為  
三項人若專以鮮連惠既不能成文且與上懷保語句  
不協案蔡沈謂鰥寡之人資予賜給之使有生意蓋本  
呂祖謙之說其後董鼎陳櫟王天與朱祖義諸家並從  
其解至明劉三吾書傳會選鮮音德則鮮之宜作平聲  
更為明確又考漢石經作惠于鰥寡漢書谷永傳引經  
曰惠于鰥寡則漢儒本無困乏一解是蔡沈集傳與經  
旨最合予臨莅愈久益切夔度惟愛民為實政今年復  
普免漕糧全蠲積欠國慶與兆民同之至隨  
時隨事莫不愛養而惠鮮之彌以此自勗耳

乙卯元旦試筆用丙午韻

迴憶登基乙卯歲戌之月值亥之辰

是年九月初三日  
御殿即位其日已

熙雍歷歷胥過載耄耄忽忽竟速身企聖效王雖勵

志日攷月矻祇懃神欽承

天眷誠獨厚幸得乾隆紀六旬

覆載無私照莫停奉三屋漏即明廷風霆雨露何非教

朔始望初凜示形

日月之食雖千載以前可坐而致然今歲正月朔望上天垂象為君

者自當心存警深惟是應天以賈不以文予上冬心深恩過自貴見諸實政天下臣民昭然共知不事求言招諫之

虛文也

帝命不違欽顧謄心傳將近慎聰聽更平乎羣仰中天

麗喜爆聲喧歲旦寧

詠檀玉如意

古玉非環珮琢成饜饜形飾為如意首借寓戒貪型朶  
口則人賤從心惟聖寧指揮存至理漫作話禪聽

題錢穀歲朝圖

伯仲圍壚文質彬兒童爆竹慶新春豐年樂事茅簷下  
可識斯民三代民

降旨加賑直隸山東河南上年被水各州縣詩以

誌事

新正應佈十行恩各省勤詢奏記翻

每歲冬底先行馳詢歇收省分之該

督撫等令其查明該省地方情形有無應須加賑之處由朝履奏朕親加披閱分別於新正上旬降旨加賑以溥春祺而裕民食亦成例也

直隸齊郊及豫省三旬兩月俾加敦

上年

直隸春間被旱夏秋之間近畿通州涿州一帶及保定正定河間天津廣平大名遵化等府州屬因雨水較多河流淤發地畝多被淹浸山東之東昌臨清等屬河南之衛輝彰德懷慶等屬俱因衛河水發秋禾多有被淹當即節降諭旨各加兩倍賞卹並令豁免秋糧實力賑卹俾無失所第念該州縣正賑已畢此時甫屆春和麥秋尚遠青黃不接之時民力不無拮据所有直隸被災最重之天津景州河間獻縣任邱武清寶坻薊州正定藁城清苑清河十二州縣八分災極貧展賑兩個月八分災次貧及七分災極貧展賑一個月被災次重之通

州涿州良鄉寧河豐潤玉田大名元城八州縣八分災  
極貧並霸州文安武邑衡水之八分災極貧亦俱展賑  
一個月又山東之臨清德州館陶冠縣恩縣邱縣夏津  
武城等八州縣及臨清德州二衛被災九分十分之極  
次貧民俱展賑兩個月被災七八分之極次貧民俱展  
賑一個月又河南之汲縣新鄉獲嘉輝縣淇縣濬縣河  
內武陟修武等九縣內成災十分九分者無論極次貧  
民展賑一個月以資接濟並諭該督撫嚴飭所屬實心  
經理毋任官吏侵蝕滋

視災輕重為甲乙

就三省中被  
災之區而論

弊俾閭閻均沾實惠

直隸重於山東山東重於河南是以展賑亦有差等要  
皆據各疆臣體察實在情形用加恩澤朕固不少有遺  
惜也

其別閭閻亦體存

至河南省之加賑九縣外其有成  
災八分七分之分之延津安陽湯陰臨

漳內黃等五縣雖被災不重亦令  
該撫酌量寬為借難以資補助

歛少稔多賑諭簡

人君



惠養德兆賑恤所加本不以多少計然穩受天恩  
歛需君澤視年歲為權衡上年應加賑之區十七省中  
祇此三省三省中各祇十餘州縣以幅頓數萬里計之  
尚不及十之一餘俱綏豐夙飽皆由吳絳萬春苑

躬下逮溥天恭庶歡  
慶夔皮額手感謝厚承

天貺敬無諼

### 新正符望閣

一歲增一惕惕難符所望幸今近符望仍祇候

恩慶勤政寧有間

去聲 所謂一日立乎其位一日業乎其官

愛民勉不遑

貞元僂指數

上聲

顯祝授終慶

題景福宮

華之受即勲之授乙卯丙辰兩歲連今日過當成昨日  
明年至喜號元年惟精惟一欽心法曰就曰將勉治筌

聯詠其疇幸如願

自昨辛亥歲新正聯句以洪範九五福排歲為題至今歲六十年乙卯而

五福適全仰蒙

吳批聯咏其疇俱如所願來歲丙

辰傳位嗣皇帝而予踐祚之初告

天之詞幸獲符

望不特三代以後未有倫比即唐虞授受非屬父子亦

不能若予承受

天恩為獨厚予之感戴兢兢更當

何如  
耶 深蒙

昊貺益夔然

養性殿口號

養心養性分動靜

丙申歲新葺寧壽宮是殿告成題句云養心期有為養性保無欲有為法

動直無欲守靜淑益予居養心殿惟以勤政勅幾為重至六十一年歸政後始居養性殿可以優游無為故是殿一如養心殿之制而動靜春月春風殊昔今覺丙申

遙丙辰近陡思策語尚沉吟

自丙申題句以來至今歲乙卯已二十年計丙辰歸

此祗一年之遙然孜孜乾惕之意益未敢稍寬因思國策行百里者半九十里語彌覺親切有味

新正

雍和宮瞻禮示諸皇子

躍龍宮自我生初七歲從師始讀書廿五登基

考承命六旬歸政

祖欽予

予自幼齡仰蒙之初即炷香告

皇祖眷育至天若蒙

乙卯歲踐阼吳蒼鴻既得

在位六十年即當歸政不敢上同

皇祖紀元週甲

之後更思多歷年所然其時實未計及予已二十有五

歲若至六十年則須壽登八十有五也逮至五旬後始

思及之曾以此意奏知聖母彼時聖母諄諭

以予躬膺付託之重天下臣民所係望即至六十

年亦不當傳位自逸次晨予即以聖母所諭默奏

上帝若能長奉慈寧壽躋頤慶予亦何敢復

執前願乃自丁酉年以來所願既虛於是仍冀得符初

志至丙辰即當歸政今歲天恩中錫竟獲週甲紀

元明歲丙辰正月元旦親投大寶於嗣皇帝吉祥孰大

欽定四庫全書

卷九十三

於是史冊所紀帝王受  
近而予益深孜孜不敢少懈國策所云行百里半九十  
者更當日慎一日敬承  
天祖之眷佑也  
月長日引翦無逸物阜民安

愧有餘深幸

天恩錫符望永言題壁示聽諸

崇椒室

路便陟山入北門崇椒室近憩溫存目中真假寧頻辨  
丙戌舊跡是室云假山雖積黃  
蓋西苑之山無非壘土假成者  
足底高卑自定論漫惜

春遲芽待紐却欣雪厚樹培根掃收堆積因行賜

每歲  
雪後

命步軍及團丁等掃培樹根俱有賞賜  
沿為定例若輩自入冬望雪更切也

歡動旗人共沐

恩

澄性堂

猶湍告略混就下孟猶詳設至結冰際更見澄之當漫  
謂近乎實謂冰實乃殊動忙是誠合靜理澄哉性本良五  
言申孟義詎云盼韶光

畫峰室作歌

稱峰奇者曰活畫謂畫美者云真峰至竟峰畫佳孰是

無過幻境相形容世間萬事紛如此求其定論將誰從  
斯室居然獲兩得益以不識不知為其宗

題漪瀾堂

今年韶令緩元夕始新春

立春在  
上元日

朔氣猶凝沼輕澌未

泛津練紈息亦好澄澈雅宜神却識漪瀾意堂中四季

間

齋居即事

臘雪昨年渥戒居齋殿深慰和慮兼顧

上平秋雨過多  
入冬後各直省

多報雪澤惟京畿微勞盼望至臘月下旬得雪盈尺固  
以為慰而雪大過寒又恐或致傷麥暨三日後伏晴始

釋所  
處 虧與昃殷心  
日月薄食固可前知然于仰蒙  
昊佑方以感滿自戒今正朔望垂象

示警何莫非  
上天慈愛之  
心惟當益增敬凜不敢事虛文 以此惟增惕無他祇益

欽消災成語在  
欽天監奏日月食後三日得雪其災即  
解新年積雪未消正宜晴霽若上元後

再得甘霖  
是所願望 節後祝霽謀

乙卯上辛

祈穀前一日詣齋宮住宿有作

肅詣齋宮此宿齋鑿儀弗作樂晨排百年富庶皇都景



物阜民熙溢九街

昨歲春當望澤時殷懷麥隴正夔夔茲看臘雪樹根積

行賞一心同衆怡

今日詣

壇內培樹之雪甚厚較之上年

正月望雪之時情懷迎勝即堆雪步兵及壇戶人等一例獲賞無不共感

吳恩同深歡喜也

詣

壇九拜展誠寅感惕難鳴心與神歸政明年斯弗遠翹

瞻撫念曷勝諄

祈穀禮成述事

穀日逢辛舉

祈穀民

天國本實殷心

崇壇歲捧六旬璧

祈穀大祀予自丙辰踐阼至今歲六十年中惟乾隆五年及四十九

年均偶因微恙敬遣恭代此外無不躬親將事以展恪忱和護恭聆九奏音正統中

華百五十

我朝自順治元年甲申統御中華以來至今歲乙卯一百五十二年言五十者舉成數也

而皇祖及子兩代已一百二十一年感蒙吳春從古未有

昊恩帝紀授終臨明年

大祀敬應子不盡淵懷感切忱

淑清院

初正俶祉宴待備淑清臨淑本乾元善清恒萬載深聯  
情愜中外祈歲叶晴陰永繹

奎章意

院額  
祖御筆也

皇

詎因遊賞心

千尺雪

喜晴三月略愁晴

去秋京畿雨水過多入冬後固不望  
雪惟各省俱報得雪而此間亦畧為

盼望幸於臘月廿三四等日密雪  
飛洒積厚數寸亦不致過多也

臘底連朝霈六霽多

幸溪齋對石瀑又欣千尺詠新正

盤山卷後題仍滿今復移書逮熱河可識一三三即一

西苑及盤山熱河俱仿吳中千尺雪景御筆繪盤山圖  
卷而命董邦達錢維城張宗蒼分繪西苑熱河吳中三  
園景并之至一處則三處之景如在目前此間千尺雪  
詩壬申以後書董邦達所繪卷中甲辰以後移書御筆  
盤山卷中今又已書滿此詩當  
移書錢維城所繪熱河卷中矣  
箇中遊戲豈妨多

香辰殿有感

舊蹟朔前明殿仍香辰名丹青縱葺染堂構弗增營

是殿  
係前

明舊蹟殿額即仍原名蓋歷四五百年之久矣丹雘  
黝服之處不得不量加脩飾然未嘗別有增構也

志

學讀書處

予年十四五時於此讀書始能詩

吟詩壓韻生即今耄耄矣

所就竟何成

澄懷堂

書堂

仁祖額

兩字萬年垂蔬圃緣觀稼

堂在豐澤園內侍敘殿之後額為皇祖御書其左為

疏圃場外做漢弄田之制

皇祖每親臨勸課農桑親御耒耜皇考行耕藉禮先期演耕於此

予即位後亦曾踐行之

芸牕惟構思樓臺望南迴

趨臺實月極諸景俱在是堂之

南中隔池面  
迴然在望  
鏡鑑俯前披識得  
曉春意澄懷應在茲

### 聽鴻樓

今歲上元春最遲  
新花迴雁略非時  
却看樓額顏雙字  
四季一元總貫之

### 紫光閣賜宴外藩並荷蘭國使臣作

紫光閣紀武成功幸得十全

天眷蒙新舊屏藩典屬敘六旬慶賀荷蘭同

上年十月  
間廣東督

臣長麟撫臣朱珪奏據夷商稟稱荷蘭國王以向在廣東貿易感沐天朝恩德久欲抒誠効悃今專主國事呢

噫嗷等在八叮味就近探聽聞明年大皇帝六十年大慶壽差首使得勝恭費表貢赴闕即如本國王親來叩賀等語朕鑒其嚮化之誠允其所請該使臣情殷瞻覲趙程行走已於歲內到京新正例於此間賜宴外藩因令該使臣一體農田有兆雪積厚節候因遲春未融中與宴以示懷柔

外熙和誠盛事居諸示象惕叢衷

新正重華宮茶宴廷臣及內廷翰林用洪範九五

福之五曰考終命聯句復成二律

皇祖八齡即踐阼藐予廿五始乘乾竟周乙卯叨

天佑喜視丙辰開子年日引月長章久矣民安物阜豈

其然重華題壁恰俱歲

每年新正重華宮得句即書懸壁間今歲乙卯六十年題壁之

句恰全此後擬獲麟聽于皇帝及諸臣聯句為樂亦佳話也

慚愧老人獲十全

雖云慚愧出心誠較厯代歸政者贏弗禪厥昆茲禪子

昆弟也昆為後爾雅釋言昆後也書大禹謨昆命于元龜仲虺之誥垂裕後昆傳俱訓為後誠是而朱子訓詩以昆為凡者泥矣商家多兄弟相及然非厯代所恒有惟禪子實天地之常經也非同彼逼慶同

禎

厯稽自古歸政之事多非全美如唐高祖禪位太宗論者譏其隣於逼奪睿宗在位一年因定亂傳位明

皇及明皇幸蜀肅宗即位靈武皆迫於勢之無可如何無足稱道至如宋高宗孝宗年未及老即行禪讓更所不取予慙膺 是春即位之初天志不敢上同

皇祖六十一年至六十年即當歸政而祖孫兩代已享



國一百二十年實歷古  
帝王未有之禎祥也  
算疇九五福勝畢  
辛亥歲始命以洪範九五

福分年勝句五年  
之內而五福適全  
義卦六十  
平四詠成  
自戊申歲上元

名排年分詠每歲八章計至今歲  
乙卯而六十四卦之詠亦俱全備  
期八年  
上元和五年  
錄詞以大易卦

什  
洪範九均蒙

昊春共符貞  
恰於今春兩什俱歲  
實昊天垂眷也

洪範九五福之五曰考終命勝句  
有序

寅荷

天

祖眷詒之獨厚歲紀週乎六旬申揭武箕訪述之至精  
疇圖備乎五福溯自長年書亥壽為初祐之文粵  
若任養占壬富繼載賡之詠撫垓埏而揆度適寫  
求寧基夙夜以寅虔攸存好德逮今茲正位以凝  
命迺歛時建極以得全聞自講師稽諸故訓昉漢  
宗之安國泉宋代之蔡沈或分隸乎五常或互根  
於五事以為福則恐成覺語合之壽則更屬複文  
似此談經未為達詰予昔書頌屏於景福有味其

言後更引經論於文華重宣斯義非儒先之說故  
為異蓋帝王之學本自殊仍據尚書定為吉語維  
承之

天者在元年即位之初矧命以位焉有正月上日之典

受于祖即協于帝授者勲乃受者華獨有取於苞

咸釋魯論在躬之句

曩作允執厥中論識語獨取  
漢苞比之說正與洪範所言

考終命者互相發明 旁則通於董鼎指虞廷告攝之詮 董鼎  
書傳

云受終 謂告攝 比例於有位之官 見允執厥  
中識語 罕譬於庶人

之畝

禮有庶人終畝之文書亦云予曷敢不終朕畝也

古也有訓匪善頌

善禱以為夸情見乎詞本將恐將懼以致福予心

慕

含飴之愛肩仔

投壘之遺每默而存言示之事福當過我溯

康熙秋獮之射熊

子年十二隨永安井喀圍場

皇祖幸木蘭初入皇祖鎭仆一熊

良久命侍衛引予射之意欲予初圍得獲熊之名

于前欲上馬而熊突起皇祖御虎鎭墮之既

入武帳顧溫惠皇貴太妃曰伊命貴重福將過

于由今思之

皇祖知人之明慈愛之恩何能

一日  
忘耶 昨實歸予記

雍正初郊之

賜犢

雍正元年正月 皇考召予至養心殿以肉一

觴

賜食而

和親

王未與也

予嘗之

味純美而

不辨何肉

皇考亦未明諭敬識之

弗敢忘踐

昨後迴憶是日正 祈毅禮成後 聖意必

以初元

郊祀

將于後日

克承大寶

上

告

昊穹付託之重已定於此時矣

服膺惟

肯堂肯構衣德在

丕顯

丕承憶於踐阼之辰敬用炷香以告視乃

烈祖紀年敢擬議以增年格于

皇天爾日直貫通於今日時初度已再旬有五至百歲  
餘四分之三惟自發於心誠却未計其筭數春秋  
鼎鼎爾正盛皆衣宵食旰之時日月昭昭乎寢馳  
閱踰壯逮者之會頓繾當年之嗣服兩揭紀

恩因營異日之塗裘重新寧壽幸而廓未竟之

餘緒恢已成之

前規測土宇者三萬里而遙量國用者七百億猶羨鏐

金史四庫全書  
卷九十三  
四免糶三免方隅之逋貸尤多南六巡東四巡畿  
甸之豫遊皆事詩文成八集出批朱點墨之餘俘  
款底十全越炎海陰山以外雖未臻於大當實久  
告於小康凡守成創業之有加皆

仁庇

憲章之盡善左氏最要之語不匱在勤周公申戒之言  
無逸克壽漸製古稀之寶俄鐫徵念之章五又踰  
庚六真環甲即三代之上世惟殷中宗若兩字之

建元自漢孝武問誰寶號獲此永年又况範叶吉  
曰康彊雅多益曰厚固見十一世之盛牒刻宗圖  
越十五倍之繁民登戶版咨百爾多延者俊壽宇  
八紘近五年或見來孫本支百世

裡親奉幣屢九擗無旁掖之人晨即披函系百牘却借  
明之鏡幸秉頤神之健總蒙

乾緯之恩溥將者天之康頌稱秩祐條理者聖之事孔  
學集成方一日職思其居佇來正請事斯語堯授



舜

丙戌

丙子

舜授禹皆在丙年高禪孝禪先不當查

歲六十一年元旦

今冬頒朔丙辰用嗣皇帝紀元而宮中時憲書則仍以六十一

年順

是為歸政之期四千四百八旬

黃帝甲子以來四千四百

八十

二年無此普天之慶值開韶於冒竚咸聯詠於分

茶毋徒侈福基德致之詞貴能臚勤政勅幾之實

漫矜別解期合正經彙五什有若聯珠創一體幸

諧完璧排鐙詞於元夕亦賅全文上下二經儻燕

典於重華恰儷成數後先卅次

御製五福由來好德基德基慎始考終隨亥辛肇幸卯乙

至

每歲新春令日於重華宮召集大學士九卿及內廷翰林等舉行茶宴因成聯句取政治典章之大者為

題辛亥年因予壽逾八旬仰荷天眷福履駟臻且飲錫之義與兆民同乃以是年肇舉洪範九五福按年

聯詠至今年乙卯而五福適全

### 魯論義通禹範詞

歲丙申以揭於寧壽宮後之景福

宮於考終命一首即表踐阼初炷香告

天待六十年使當歸政之語聖見起車已

舉自古說經家規避遷就之說一空之辛亥

經道講大禹謨允執厥中句既著御論中以

識語因而謨而及論語因魯論而及洪範根柢於

舜典正月上日受終文祖之句謂始終其事

斯為吉語天祿永終與考終命互相發明臣等稽諸歷史古說適與聖諭相合自有此

發而天祿永終五曰考終命均歸吉德於是唐虞授受之首益明九疇嚮用之義方足云福矣安

國游譚被

平聲祿籍孔安國書傳於大禹謨注言為天子勤此三者則天之祿籍長

終汝身孔穎達疏言天子當慎天位修道德養窮民則祿籍長終汝身祿謂福祿籍謂名籍言享大

福保大名也安國於謨之永終理解明確於範之考終復變其說一書兩解亦游移鮮據矣苞

咸達詰冠

去聲經師何宴論語集解引漢苞咸曰永長也信執其中則能窮極四海

天祿所以長終皇侃邢昺疏皆師其說御識所取以貫通範義者也鄭疏佻好說

根舊

鄭康成注此語獨異謂皆生校好以至老益本劉向說苑三建本篇云尚書五福以富為

始國家以昌滅士女以使好禮義以行人心以安其本旨以既五事之純對六極之忌是為先漢舊

註與後儒迥庭者 臣阿桂

林闡年齡語杜歧

林之奇尚書全解於大禹謨曰

天祿向先儒以屬於上文謂四海之內有困窮之民君當撫而育之人君苟能勤此慎乃有但敬修其可願與夫撫育四海困窮之三者則天之祿秩常終汝身爾於洪範曰或以終其天年為考終命誤矣與壽何異此正 御識中所謂 董鼎有云且既終矣何有於五福之奇能見及此

重舜責

董鼎書傳云堯老舜攝堯之為帝自若也而遽以受終告祖者首由祖以有其始今昔祖以受其終此為告攝而謂之受終蓋以重舜之責也與 御識堯授舜而堯之事終有合

祖謙所見述堯咨

呂祖謙書說云舜時安有困窮之民聖人心常不足天祿永終

言以天下付禹則造始在禹與  
御識舜授禹而舜之事終有合  
中和德執策西

漢

漢書武五子傳載錫封齊王閔栗文云忠爾心  
允執其中天祿永終顏師古注能盡兩心信執

中和之德則能終天祿也師古  
在唐初尚知漢話臣和坤  
福祚流長論叔皮

班彪王命論末云福祚流於子孫天  
祿其永終矣亦以永終之言為吉詞保位如臣聞

雋說

去聲漢書列傳雋不疑說暴勝之有樹功  
揚名永終天祿之語乃借言為臣者御

識云且以人臣而論受一職能盡其職復膺連擢  
是即能終其所受現在之職也聖製廣知足

以苞孕應天以道解匡疑  
萬有漢書韋賢傳載匡匡曰  
其道應天故天祿永終

亦作吉語且能  
探致福之本  
詔傳冊后古曾引  
復漢書冊皇后  
詔云無替朕命

永終天祿

臣王

### 文撰告天吉迺宜

三國志吳大帝即位告天文左右有吳永

終天祿足徵古終字不作後儒解冊后告天豈非吉事吉詞乎

### 論語稽求派可別

毛奇齡作論語稽求篇詳臚漢以前人講經著史終字皆作吉語自宋齊梁陳始作別解於古近流

別顯 尚書疏證治微窺

閩若璩作古文尚書疏證有云四海困窮是陳辭天

祿永終是勉辭四海當念其困窮天祿當期其永終於經旨治道較為得理

### 君能造者福臻備

欽定書經傳說彙纂取陳大猷之說考成也諸福備矣又引李泌

云君所以造命者五福臻天所界實自造命者而與之 今天下億兆蒙福皆我 皇上建極

備福用能造命以 飲錫也 臣劉墉

梨師

命不易哉監在茲

先儒謂五福通上下而言在下者各有命所謂天命之謂性也若為君者

之命則經有之曰大寶命曰天之明命所謂正位以凝懋建以大者有日監在茲之嚴終之實難可不儆懼乎

祖幸春園歡宴際

考承清暇奏名時

圓明園寢殿之左蓋謂之牡丹臺即四十景中所謂銀月開雲者康熙壬

寅 皇考敬奉

皇祖臨幸觀花

慈顏有輝

因於燕喜之次以予名奏聞

愛撫憐至是為承

恩之始仰惟付託之重燕契 聖心投報遺大似即肇基於此予敬承 大寶命不敢不勉不徒如唐

代所稱一殿三天子 翔為崇高盛事也

遂蒙

眷顧宮中養

自予上攝  
日得扈隨

聖祖蒙恩養育禁廷  
含飴顧復之下  
教誨

獎掖周摯有加今予年踰八十有五而獨慕初心每一  
念及尚深感銘疊勉之忱具見嚮所作紀  
恩堂二

中記

還侍

游歌塞上怡

康熙六十年壬寅  
聖祖秋網木蘭至熱河  
皇上聖齡十二隨

賜居避暑山莊之偏曰萬  
聖松風即今之鑑始齊也

垂矢和弓

親誨

聖祖常上幼齡習射較鞞命中在山莊時  
命步射以示衆臣

上持滿

連中

聖祖為之色喜即位從在大西門較

射發二十矢而中十九  
御製四律勒壁間後



以馬射發十天中九而三破的羣臣觀者莫不歡  
忭欽服 聖祖又常 賜 御用

舊准神鏡 令莊親王教 皇上學習發

機視準罽一羊於百步外試發斃之經莊親王奏

聞 聖祖嘉悅後 上秋巡 繩 武

每於木蘭及 山莊即鹿凡內府所藏虎神花准

舊准諸神鏡率皆實用於以肄武習勞無不應聲

立語今 聖壽八旬有五昨歲猶能命中獲鮮

分 賜諸臣並 御製獲鹿兩首蓋從 松濤

冲齡時而 神 聖授受已有自矣

### 風籟

### 愛舍飴

上既居山莊之萬壑松風夙夜祇隨  
聖祖締几展書則 親授章句批章引

見則敬立 座側至於得餐 侍膳曲承

舍飴依膝之歡詳見 御製避暑山莊

紀

恩堂記中

# 鸞章疊和莊排廳

聖祖既建避暑山莊  
御定三十六景各條以詩鐫於石

乾隆六年秋

皇上命駕出口北巡歲事言旋

道經山莊駐蹕重歷昔年

賜居舊地

撫覽林壑

感念

音容恭和

聖祖御製避暑山莊三十六景詩原韻以誌思慕

於芝徑雲隈詩有裁詩聊當銘座右願言治理

虛心求繼絕祖武懼不逮惟應此志萬千秋

之句於

聖祖御製各景

詩碑陰恭勒焉

臣福長安

# 龍邸重修嶺號獅

避暑山莊之北有獅子嶺嶺下建  
圍一區以獅子名之世宗藩

邸時庵

駕熱河所居之

賜圍也

皇上六齡時隨

世宗來居此因讀書至

乾隆辛酉

聖駕初至

山莊詣園游覽有詩

紀事後以分

賜果親王居之閱二十餘年日

就頹廢丙戌秋

皇上念此地係

世宗

濯龍舊邸不可以有

山莊而任其荒落因

命奉宸重加修葺以復舊觀嗣是

瞻仰

駕駐山莊侍彌嚴必

瞻仰

# 主營代乾出乎震

皇上青宮毓德每遇

廟大祀

憲皇帝常令

皇上恭代行禮蓋由

世宗聖衷注

屬出震承乾早微

天人協應之兆矣

# 頒綸立似受諸祁

尚書紀堯之授舜曰受終于文祖說者謂文祖堯廟至舜之授禹曰受命

于神宗神宗即堯也可知舜既陟位堯早知受舜

者惟禹故禹受命于舜即受命于堯也

世

宗命我

皇上紹基詔中以

聖祖恩恭

為言詳見

紀

恩堂記不啻伊祁姚姒

相授 吳顥 佶 繼家皆聖 俾漢之事始於唐虞如少昊顥項帝佶皆黃帝之後

以神明之德一姓迭興世及為帝傳子即以傳賢後人五帝官天下三王家天下之說殊非為論

臣董 臣等恭讀 御製此

誥 亶季昌傳位尚卑 恩堂記敬序

仁祖卷顧之深 憲皇付託之重且於篇末

著明太王欲傳位王季以及文王不足比擬

謂太王素知泰伯有蘆讓而無締構樂得聖子而

立之至文王而聖聖相繼得傳位之正 聖見

實為超卓况周家大統未集尚守侯封較 皇

上之五葉續緒克迪 前光則周家實卑卑

不足 道耳 密契封函

垂統重

世宗憲皇帝昭鑒我 皇上克承付託神器之重於雍正元年即 親書

皇上御名封貯於乾清宮正大光明扁上至雍正十三年八月二十三日內侍取下封函

上命待爾時大學士鄂爾泰張廷玉等詣臣齊集始啟封恭聞仰見祇承敬慎之意光昭天下

皇上深鑒歷代建儲之夫不豫立青宮亦敬依法密書緘貯所以重神器而慎垂統

並命纂輯儲貳金鑑一書起自周平王迄明之秦昌以為萬世炯戒顯彰

錫號得人貽

號蓋皇上於雍正年間膺世宗燕翼詒謀為天下得人寶親王封

繼繩大寶於

聖憲已默寓一字中矣錫爵誤吉時

創

成五世歸

堂構

我 國家自 太祖 太宗 世宗五世創業守成以 祖 聖祖

聖繼 聖 皇上仔肩重任

緒承 先六十年如一日至於 豐功

偉績垂裕無疆昔之 耿光大烈皆今之

至顯丕承以 創業為守成 一身兼備

御製創業守成難易說 闡萬古不刊

之論實以 身教垂葉也 臣紀昀 禮樂百

年昭

洽熙

本朝自順治元年甲申 世祖定鼎燕京 至乾隆元年丙辰己將百年迄今歲乙卯則百五

十二年矣禮樂昌明典章大備蓋皆由我 皇

上的古準今因時損益一時制作萬世法程如盤

定 大駕 法駕 儀駕 行駕商簿

考定 天 地 社稷 太

廟大祀祭器仿製鑄鐘特磬以備宮懸聲振始終  
之節更定

饗樂章考圖蕃苑

闡示精

詳

熙洽宏規於斯極盛

明炳

### 踐宸合為汭執徐

### 肇乍媿伊耆

按通鑑帝奔元載丙戌帝克元載甲辰我

皇上御極元年歲在丙辰恰與唐虞

建元干支媿合  
洵非偶然也

### 昉乎

### 六御資元始

丙辰 六飛御宇是為 皇上首出  
成寧之始 聖德體乾典 天無

極而六十年

天恩 國慶曼蕙延洪又足

吳絳有獨鍾之慶我 皇上時以始

勤終怠為戒見 訓諭

及 詩文 臣 慶 桂

御從此萬幾惟日孜于自茲基以來日理萬幾不敢不勉無日不以國計民生為要無時

不以天恩祖德為心雖閱六十年猶復孜孜

同懈于從即位之日寸心自天至今而益凜慎終如始

也朕即位時年方二十五歲彼時心

廿五那曾籌八六期但願至六十年即歸政不敢上

同皇祖六十一年至五旬以後始思以百歲計之

二十五已逾四分之一設至開元滿六十年當壽登八

十六歲覺來日方長未免自存眷念然亦

惟有軒宵自勵以冀上荷吳恩耳

天恩何幸齎心期炷香踐阼陳欽祝在位六十年予之私願至能否上邀

天眷何敢自期必得今幸果符所望洵非告豈以

思萬眷馬能及此迴憶踐阼之初炷香敬

享國長久為樂惟是嚴恭寅畏盟諸心膂六

十年來不敢暇逸益無日不凜對越之誠也



調幕週旬儼

默司

人君代

天子民無不期於化成久道無逸

之言享國莫曠之言欲福俱以克壽為先然自三

代從未有如我皇上於登極之始即敬陳所

願今不啻若合符節固本於健行不息而

天之所助者順亦

若默司其契焉

五位十成

天轉幹

天地之數惟五與十相演而成我皇上踐  
昨時年二十有五每至紀年逢五則為旬慶若

紀年逢十則 聖壽又恰值五庚子七旬

萬壽 仰製元正太和殿賜宴紀事二律用旋

轉體詩云五位輪年十必遇十成紀歲五常并蓋  
五與十天地之數會合而旋轉相生進行無極正

有不期其然而然者洵非思議所及

### 古稀

### 耄念歲舒遲

七旬日孜孜八旬

萬壽錫

古稀天子之寶副以猶

萬壽錫八徵耄念之寶

副以自強不息  
聖壽益高而  
寅恭倍萬彌覺歲月之舒長矣

### 旃蒙紆賦再三

又乾隆乙丑我皇上以御極十年普免天下  
正供錢糧因國慶以普特恩有紀事詩

嗣於庚寅丁酉庚戌復普免三次稽之史牒蠲租  
賜復或僅一隅或僅免半已誇為盛事若我

皇上六十年中恩施稠疊至再至  
三實曠古所未有也  
臣胡季堂  
奄茂蠲糶千萬

斯丙戌又以三十年國慶降旨普免七省漕糧  
總計其數不啻千萬已亥又復輸免一次比戶

卷九十三

倉箱益  
殊豐阜  
叟宴偕開

恩嶂溼

乙巳歲 皇上以御極五十年仰荷  
天恩中外又安又甲辰春慶得元孫一堂五代

特頒

恩詔敷錫震區並於新正月初六日恭依  
聖祖成典於 乾清宮再舉千叟宴禮入

宴者凡三千人中外大臣官員及外藩台吉扎薩

克朝鮮國正副使臣均符入座其有年屆九十以

上及一品大臣皆 召至 御筵前手賜

之觴以昭 天恩 國慶醕酢一堂之盛 士

科聯啟

惠京抵

今歲六十年 國慶當普 恩施豫於上年  
降 旨甲寅乙卯特開鄉會 恩科嘉惠

士子又於八月 萬壽節

詔普免今年天下漕糧一次

謙毋舉典仍

頒綉

皇上七旬萬壽時內外臣工齎請舉行  
慶典以中天下臣民祝嘏之忱  
皇上聖德謙

抑 諄諭不允所請而 念及有慶論年不

無仰冀 恩澤仍 特沛恩綸敘敷錫福俾

億兆同沾優渥

焉 臣彭元瑞

慶賴同民共獻庖

庚戌年 皇上八旬萬壽 備  
允舉行慶典光於七月內在 避暑

山莊 錫宴 恩賚 聖駕迴蹕還宮後

自 御園至京城巷舞衢歌在京王大臣官員及

各省大吏並士商等臚申稱觥祝嘏

之悃 恩加錫賚便蕃不可紀極

園建長春春不老

長春園在 圓明園之東內有  
淳化軒含經堂等處為 歸

政後

那居之所

### 宮新寧壽壽維祺

寧壽宮在大內東乃康熙年  
間未養歸政後塗炭計仍舊址葺  
孝惠章皇后之所

乾隆丙申因豫構

歸政後塗炭計仍舊址葺

新之額前殿曰皇極殿而

寧壽宮之榜則移

於後殿其中如

養性殿倦勤齋則仿大

內之養心殿

敬勝齋規制分為三路即景

命名於順通芋

寧之義深有叶焉

### 紀

### 恩榜揭觀揚大

居 皇上承 聖祖命育於官中  
圓明園之牡丹臺 避暑山莊之

萬壑松風至丙戌癸巳並

御書此

堂頌揭栢間以誌觀

光揚

烈之義

臣  
舒常

### 繼德堂成

### 承顯丕

即

上自乾隆六年從駐蹕

聖祖昔年所居烟波致爽居之壬子

歲以歸政期近  
特命於  
松鶴齋後隙地  
葺新居名堂曰繼德為將來  
嗣皇帝起居之所

堂構詒謀即寓  
玉顯丕承之義  
排日事行

### 心記注

易恒卦大象言聖人久于其道而天下化成  
以貞觀貞明皆本於恒久不已  
臣等仰見

皇上敷十年以來每歲  
巡幸  
展謁

詣園  
進宮年例之事皆有常期乃至每日風

輿進膳  
批章引  
見亦有一定時刻

聖心自有  
記注久道之成即天道之恒也  
編

年

集就道書詩

自古著述家成集者有編年分類二體我皇上御製詩集自辰至卯每以十二

年為一編六十年五紀而五集全凡五萬餘首其中自元旦至除夕

敷政惠民之事罔不具載

從此詩與年

增京城積序矣

誠先徵久算操券

臣竇先燕

御製法

祖敬

天器戒歌

予每遇聯句時輒以頌不如規為諭羣臣所陳國慶壽典鋪揚原錄雖歸美報上辭尚典

要然於予敬  
天心未為著  
明明則何如  
臚陳實事之  
為得乎  
每歲

### 南郊虔執禮

禮始迄今六十年歲必親行  
迓命諸皇子  
南郊大祀自乾隆元年冬至躬詣行

升壇恭時俾知予承祭時拜立薦獻誠敬將事至  
上辛祈穀孟夏常雩亦無不親奉  
明禮

惟遇巡幸及有他  
故間或遣代行禮  
間年東國敬瞻規  
咸京為我國家肇  
基發祥之地予於

癸亥歲始東東巡之典敬瞻  
堂構式慕  
奠牕  
凡城垣宮室設官分職以及衣冠制度仰見  
太祖

太宗開國規模萬世子孫所當法守曾著  
咸京賦  
土風物產諸詩上稱  
祖德下述地宜嗣後甲戌戊

戌癸卯凡四茲  
陪都猶初志也

### 兩陵頻展霜露慕

世祖孝陵在京城之東昌瑞山  
聖祖景陵附焉  
皇考奉陵



在京西永寧山予自元年後間二三歲一詣六旬以前  
西陵間歲一詣庚子以予七旬數詣東西  
兩陵春霽秋霜之  
感蓋無時或釋也

四月

常雩禾稼祈

上御極之八年癸亥特稽  
古常雩之禮為民祈福遂為定制

大寶恪承篆久詠

聖祖仁皇帝嘗錫敬  
天勤民之寶以鈴印御書

世宗憲皇帝遵用之  
御製四言詩中有四字心傳傳千萬

嘗鈴用  
葉之語而於  
聽之義尤  
三致意焉  
天民視

舊章率履

錄晨披

錄於

上海隔一日黎明必輪觀

五朝實

列祖

列宗文德武功用人

行政諸大經大法以及宮廷內外垂

訓萬

世者無不恭繹率循近年來

披閱之餘常願

示 皇子及諸大臣俾

知 始謀之善

為君難特為

去聲

申引

殿後強

世宗御書為君難三字懸 周明國勤政

謨伊訓無逆 諸書責難之語而要歸於為君者必

勅命審幾明德修身以立其本慙念室欲親賢遠

佞以正其施於以謹對越而培永圖大哉

王言真足為萬世為君者金鑑矣 臣金士松 以

父事違言報施

歲戊申逆賊林爽文就俘臺灣蕩平

仰製告成熱河 文廟碑文中

天地天子之父母也子於父母之恩不可言  
報中心感激弗知所云之語 御製詩中亦有

子於父母取言報之句屢尊

天父以致 欽承昭事

### 錫璽者功理徵信

西師之役連元齊既擒伊韋辰定阿  
睦爾撒納潛蓄異志旋復叛去

上斷以必討廷臣惟怯或有異議 上乃說為

信天主人著論以開其感西陸大定因 命錫

玉為信天主人之寶皆由 皇上默契

天心故捷於影響 吳蒼助順也 刻珉

### 聰聽

### 訓詳彝

上恭閱 太宗實錄崇德元年  
諭諸王貝勒大臣等曰金世宗能法祖勤治

本惡言詒恣遵舊制練習騎射垂訓至切其後世  
漸懈廢以至傾危因復 諭諸王等以改滿

洲衣冠效漢人服飾忘舊制廢騎射為戒乾隆十  
七年 皇上敬送 聖訓立卧碑於箭亭  
俾子孫臣庶臆臆無  
忘以綿億載丕緒

### 戰圖

### 兵績追

### 王業

乾清宮尊藏 太祖實錄戰圖八冊於辛  
丑春 命依式重摹二本一恭送 盛京敬藏

一貯上書房並 御製補詠詩什先是乾隆三  
十九年 上念 祖宗開國規模雖事具

實錄而史歲屢秘莫由仰觀 命館臣  
輯開國方畧 御製序中諄諄於祈 天

永命慎守神器以傳戒後世較周詩之稱后  
搜湖公劉櫛沐艱難千古同符 臣玉保 蒼璧

匏尊肅祭儀

乾隆十三年  
天壇正位薦用蒼壁獻用匏爵

一切尊壘遺豆登銅簋盞皆新  
制器悉本禮圖定式敬遵古制  
致潔正陽渠

作記

京師正陽門外之石澗抵正陽橋橋之左為  
園丘壇之外垣古為先農太歲壇之外垣

地勢東高西下故石澗之西恒積水而東之沙土  
常因風吹壅園丘外垣之半乾隆辛亥

命司工於天橋南石澗左右各疏渠三貫山植  
樹於是渠成而風沙弗致壅坦潔清昭敬

且恆觀瞻詳見  
御製記中

思艱薩爾濟書碑

皇上敬觀  
太祖大破明師於薩爾濟山之

戰  
艱難大清億萬年丕基實肇於此因  
實錄  
實錄

尊嚴莫寵威烈 特著書事一篇以示億萬年  
子孫臣庶共勉無忘為永保祈 天之本並

御書 勤碑其地 嬉水哨鹿慶隆舞 國朝舊俗有冰嬉之  
技每歲冬太液水堅八

旗分棚擲毬演射 上親臨校閱按等行賞

御製冰嬉賦篇中以旌勇均賜而歸本於觀德

之義又已已歲 御製哨鹿賦序中有

皇祖昔喜哨鹿朕冲齡隨侍習聞其事年來亦親

試為之嘉其有合於聖經之語至癸酉又 御

製後哨鹿賦申言俊法 先垂誥戎習衆不

可忘 先代遺規之意至 宴饗大禮所用

慶隆舞則狀 列祖間勦武功聲容具備為

大樂最成之奏 御製新樂府首味是事三者

皆 國家舊俗遺風可以垂示萬世 臣吳省欽

# 月姊

日兄

皇地示

每歲夏至

朔日

夕月壇中祀

每遇

親祭亦必

精禋

北郊

上必親詣行禮即

深至己酉歲

以次年

壽登

八旬凡

中祀又

皆親祭

一週用申虔恪皆有

御製

聖訓

御製紀事

禋贊措圭核非禮

壬子歲

御製

聖訓

御製紀事

措大圭長三尺及執鎮圭

以朱之制並查

內府及太常寺庫止有明代之

命翰臣博稽唐宋

以朱之制並查

以朱之制並查

內府及太常寺庫止有明代之

命翰臣博稽唐宋

以朱之制並查

以朱之制並查

甚壁琮並無大圭鎮圭二器復

一篇斥其非禮並申明祀

御製

措圭說

一篇斥其非禮並申明祀

在大圭鎮圭之有無

實為不刊

聖諭

實為不刊

實為不刊

實為不刊

聖諭

實為不刊

實為不刊

實為不刊

廟陳貢玉表維寅

從前

太廟尊藏

列朝

實冊係隨時錫造玉之色質長短未

能一律

特命大臣精選和陶良玉敬製

五朝寶冊全分以奉

太廟而舊奉

寶冊恭送

感京

太室尊歲並申

諭

天

祖蕃佑貽庥萬世所當欽承

無數以綿  
玉緒焉

饗

親饗

帝精心志

皇上凜

昊蒼睨佑之隆念

列祖詒謀之裕

謹昭事由

舊

章所謂惟

聖人為能饗

帝惟

孝

子為能饗

親臣等僅狀陳數大端而於

聖心之精誠

劫愆猶未

能及萬一云

臣珣圖禮

仰有政有民謹指麾

政有常經民為邦本人君所當念  
茲在故以出治而撫衆予六十年



來日慎一日豈敢以歸政已進而稍有懈弛庶幾初終一轍不致有毫釐千里之謬耳

宵旰勅幾

慎無逸倉箱祈歲額多綏却憐屢願艱克副

國家承平日久生齒

日繁惟祝歲獲屢豐共享盈寧之福故較晴量雨時以民生為念乃各省暘雨年或不齊艱於普登綏屢亦惟自慙調幕無能慎於暇恤並戒諱災耳

尚

慮務間恒繹思

工面降 皇上勅幾勤政每日 諭旨或是日章奏機務少 召見臣

簡鞅以間選為念且多有豫期 籌及宣示辦理者易所謂惟幾也故能成天下之務然與衡石

程書衡士傳餐但勤細務者迥不同耳

昧爽

御門心周間

每日內閣進呈各部院及通政司所進督撫等題奏本章不下數十件於晚膳後

閱發其有折留之件則於御門理事日間臣面取進止間半月或二十餘日一次大內則

御乾清門御圍則御勤政殿齊

於黎明辨色時侍班六十年來無間寒暑也偏隅

人戶口無遺

不齊或致偏災即優加賑恤豁免銀皇上愛養元元偏遇一隅水旱

種動逾百萬即有勦不成災者亦蠲征平糶以裕民食京師則於冬月五城設飯廠散給至春中始

罷如上半年直隸等省有被水之區俱奉恩旨加兩倍賞給是以民獲又安恩補造化實惠

均沾自登民穀數農曹掌

每歲各督撫將該省現在民數及存倉穀數各

造清冊具報戶部由部臣彙繕黃冊於歲底進呈御覽屢有御製詩什以承平日久戶口

日繁而所產之穀止有此數兩相權衡  
就耗以保泰之難為念 臣那彥成

### 定海河工禹績治

賦 上所繫海塘湖勢不常 勅令督  
上以東南海塘河工為民生財

撫月報情形頌 旨大興工作於老鹽倉迤西

塘工改築為石凡三千四百九十丈復 命於

章家卷迤西至烏龍廟接建石塘河工則增築高

堰五壩建淮安城西北石隄易徐州北護城土隄

為石定清口出水誌疏濬六塘下游加高徐州城

外石工改築韓家山至奎山石隄 翠華菴止

時周詳

訓示

### 巡過師行播黃紙

皇 皇上巡輝所莅江南浙江山東  
河南山西等省水陸所經州縣闕免

本年額賦十分之五其木蘭浞澤經過直隸州縣  
免十分之三至於師行所過 特賜帑金累萬

以供轉運夫糧至奏銷軍需部臣照例核減  
皇上念其飛挽不易將軍需局各員應行著賠者

每加恩路  
允數至鉅萬

### 大臣小吏對

上每日

召見軍機大臣或至再三而於

### 彤墀

在京部旗大臣及卿貳諸臣輪日

召見晴咨

延刻至各省保薦銓調簡選文武職官均引

對錄用察其才具或記名候陞或更調繁簡即下

至丞尉千把亦每

得瞻觀天顏

### 批硃情偽窮毫髮

上於內外奏摺親滿丹毫  
秉燭批答無不周知情偽物無遁形

其或覆奏逾時即

命廷寄詢問而軍報河防

暇恤諸務尤厘

宸慮到即指示封發瞭

如指掌

臣童鳳三

閱讞精詳憫杖笞

每歲秋審讞詞上必親核再三酌其情罪輕重無枉無縱句到後所

司榜示案由仗衆共悉其尋常案牘即一若一杖稍有疑實亦必裁以大公不使畸輕畸重又

屢經恩赦減等法外施仁而於問刑諸臣

提議失當者分別失出入處分彌昭慎重發

帑役猶知過疊

周官公甸力役征自司農自古未有不用民力以興工作者我

皇上修廢舉溼凡有建造胥用正帑給價給值不但

不以累民其貧民無業者且得受僱藉供二鬴

而御製知過諭猶引以自訟

求衣夜輒待章馳

省大吏驛函雖在惟宮帳殿恒問夜

再三未明求衣隨越吳豫晉虞方覲

批諭毋俾稽滯聖祖六

巡江浙我 皇上臨御之十六年辛未銜  
允臣民之請 舉南巡河工海塘 親臨指示

嗣後丁丑壬午乙酉庚子甲辰 六巡 紹美

前歲 御製南巡記 闡明敬 天明

理而歸本於克己 至豫晉二省 按壞畿輔 近先尤  
切庚午二月 上以次年辛未為 皇太

后六旬萬壽先詣五臺瞻禮 祝 釐即於是

秋 駕幸豫省 蓋自庚午後辛巳辛丑丙午壬

子凡五拉慶豫馬 塞船所經凡斥供頓成粉

飾察吏省方行慶施惠方之虞 巡四岳 辟艱 犖后

盛典更隆矣

臣茅元銘 鮑凱 縫衲周

皇上惠乎勿問 恩例優渥如百歲壽民

### 賚差

五世同堂九世同居及 旌表節孝一產三男

鄉會試中式俱 賚建坊 銀兩其餘如辦差之

船戶水脚口糧 撥演兵丁之 分別旌勇及捕役獲

犯均

特旨

恩賞至周至普

事酌速遲均軌則

甲辰

聖駕

御製兩巡記詳論宜遲宜速之機

六巡江浙

速於河務宜遲而要於敬

大明理是年有

甘省逆回田五之事

皇上審機度勢命將調

師不日勦捕盡淨

御製遲速論歸本於敬明

集事

躬行節儉致蕃滋

皇上以修己治人之道無過於節儉而天子之節儉與庶人不同總

在躬行而不可以此自鳴取譽當損

聖祖

實錄云明季宮中歲用七十萬至康熙五十年祇

用七萬查內務府近年度支則乾隆二十年以七

萬計三十年以三萬計四十年以二萬計而深有

鑒於昇平日久戶口滋蕃物價騰踊勢所必然

實無一勞永逸之法詳見御製節儉論中外

王內聖敬兼愛

聖之學是以推  
皇上勤政愛民胥本外王內實心為實政

海宇又寧治臻上理天下白叟黃童共登春臺而被矚化感激愛戴咸出至誠中庸所謂凡有血氣

者莫不尊親洵非虛  
頌也已  
臣遠楮

御製堂傲廉箴恬與嬉

予夙夜單心國治幸際小康深恐文武恬嬉致有叢脞之慮我君臣

所當時時交相咨儆耳

四庫崇文閣分度

乾隆癸巳年詔天下各督撫搜採遺書發內府

秘藏典籍又命詞臣校閱永樂大典編纂叢書成帙以復古籍蓋既定為四庫全書每部三萬六千冊於大內咸京御園避暑山莊分建文淵文溯文源文津四閣藏書各一部又於全書內擇其菁華為養要二部各一萬二千冊分貯大內之摛藻堂御園之味腴書室館臣校勘以次進呈博覽間有題什冠於簡首者又發帑繕寫



全書三部分分貯揚州之文滙閩金山之文宗  
閩西湖之文瀾閩用以加惠士林李光文治  
十全紀武

筆親搞

士子歲准廓爾喀歸降凱旋班師後綜計仰承  
吳卷武功告成凡有十次平準噶爾為二

定四部為一掃大小金川為二靖臺灣為一降緬甸安  
南各一交廓爾喀歸降前後為二合之成十全武功外  
此如誅王倫翦蘇四十三滅田五皆內地亂民不列其  
事因親製十全記申明不得已而用兵於戒蹟武凜

天賦信賞必罰  
之道三致意焉

却慙言速行未速

咸仰巍其煥有其

魯論大哉堯之為君至於則天  
而民無能名復繼之曰巍巍乎

其有成功煥乎其有文章益聖人之德垂裳恭已  
原非摹繪乾坤者所能窺測而勲華所發猶之日  
星垂象雖田父野老均能瞻仰我皇上聖德  
淵深功業之崇隆制作之巍煥洵可媲美放敷矣

天縱多能皆

聖事

皇上御製詩文凡政治學問天時人事物理靡不包括即靡不貫徹

識見高卓筆力超達

舉前人未嘗見及者以餘事舉之即文如韓愈詩如杜甫亦豈多讓自有文字所未有

幾餘染

翰上掩鍾王旁及顧陸載入石渠寶笈中亦不下千餘幅至於審音知律稽通蒙古四部唐古特諸

書方言無不旁推交通具有神解不煩重譯其端木氏所謂天縱之聖又多能也

戰無

不克在

幾知

皇上聖武遠揚十全底績而於敬慎用兵之義時見於紀事指詩文中恭讀御製四

知書屢記引孔子繫豫六二知微知彰知柔知剛之說而推本於文解之利建侯行師象解之介于

石不終日貞吉以見明慎用兵見幾而作不俟終日之義宜乎戰無不克正易所謂知幾其神也

### 廣增實額士桓赴

向例各省提鎮以下俱各分扣兵丁名糧謂之隨糧以資公用

雖相沿舊規而實非政體上持命廷臣議視文職酌給養廉所扣名糧俱挑補實缺自是武職公用既裕而兵數愈充 臣陳崇本

### 釐定羣書光陸離

皇上賁功德以立言文章之壽與日星並明 詔開館局纂輯羣

書難以億數大而經訓史法細而博物考名皆與世道人心典章制度有所闡繫莫不上秉

載指定仰見 聖學崇宏因文見道

### 關論

### 經筵絃且誦

皇上懋勤典學以四子六經為萬世要道除 省方之年外每歲諫言具儀

親詣文華殿 御製經筵論二篇宣講發  
明聖賢義蘊已四十七次禮成後 賜宴本仁

殿戊申 特命工 紀勲  
歌新譜抑戒之詩

### 方畧正而奇

皇上聖武速揚義征不憚患皆不得  
已而用兵正正奇奇戰無不克凱旋後

命編纂成書以述 睿譔而昭勲績十全武

功內如平定津噶爾四部兩全川臺灣安南廓爾

喀以及勦滅臨清石峯堡逆匪大 梯雲凱奏香山寺

小成功均有 方畧紀畧焉

乾隆戊辰初次金川用兵以逆首碉壘難克爰於

香山之麓設石卡簡八旗伏飛之士練習雲梯之

技用之成功因擇地建寺道 咸京 太宗

於松山杏山啟明兵後所建實勝寺名之並於寺

側建屋居成功之 張立為健銳營嗣後屢經調遣

所至瓦捷 御製寺碑及 詩詳其軼末

臣王坦修立雪經橫壁水池

太學自金元建都以來辟廡之制未備乾隆癸卯

特命肇建辟廡於己巳年告成

臨講大學

仁敬孝慈信易乾象傳自強不息之義四氏諸生

侍講賀介環樞門觀聽者數百人得聞御論

歡幸悅服是日適逢瑞雪無不懼忭誇為瑞應

工尺宮商譜唇齒

明朱載堉樂律全書於樂譜內填注五六工尺上等字並朱魚

注宮商角徵羽且以時俗牌名小令分譜未免披

古入俗因降旨交皇子及樂部大臣詳悉

改正欽定詩經樂譜全書三百十一篇皆可

絃歌古律今首雙行填注而總歸於一字一聲以

述古始一訂樂工知器而不知

音儒者知音而不習器之陋

弓刀壁壘貌須眉

平定伊犁回部金川烏什臺灣安南廓爾喀諸役

胥由皇上廟筭精詳先幾制勝敵功之復於

諸處戰功其山川險易並詳聖理根首進之  
雄策角隴陞之狀分幅繪圖成冊 仰題誌事

其西師金川臺灣廓爾喀並各總功臣像  
題贊以表在事諸臣効勤宜力崇巖 乾清宮 官

### 階九品鷹揚野

文武官階文職自一品至九品俱  
分正從武職二品至六品分正從

而一品七品皆未區分 上特命部臣酌定武  
職一品七品亦分正從復增八品九品正從官階

文武品目均平秩敘益  
船畫一 臣程昌期

### 恩榜八開鴻漸達

丙辰 上以登極元年 特開  
丙辰 年文武 恩科自後達 國

大慶壬申庚辰庚寅巳亥巳酉甲  
寅乙卯皆舉特科以溥 閩澤 右汜左灤盛魚

### 雅

西陲底定以從聲教覃敷於嘉峪關外特置鎮  
西一府迪化安西二州及宜禾等七縣皆設學

官弟子鄉試中式者許馳驛會試熱河既設郡縣  
命於承德府建立廟學設教授一員定生

員取入府學六名其屬灤平等六  
州縣各四名鄉試亦予取中一名 京營河伍萃熊

羅 舊制巡捕營止有左中右三營後乃添設南北  
共為五營措置兵房分布巡警緝捕之事又於

長河建火器營兵房俾  
得羣居講習以精訓練

### 化成治定升恒運

敬 上御極六十年來治定功成  
天 法 祖

勤政 愛民 文德武功諸實事足為萬

世帝王師法良等謹撮舉其要如右而日升月恒

之運於不已者更焉

勝贊頌 臣 鏡 榮

製御 夕惕朝乾賓餞移晷悔幼齡未計耳誰知耄齒竟臻

之尚書載帝堯在位七十載殷中宗在位七十有五  
年按帝堯壽一百十八歲合之禪位後又二十有八載  
則即位時年方二十歲至中宗禪愈即云史不記其年  
壽然亦不減百歲三代後不惟鮮有及此即在位六十  
年者亦未之有聞乃予少年時所未計及者不覺今已  
耄齡竟得臻此光陰迅駛六十年竟如隙影一瞬耳

### 六旬一日馳何迅

萬歲三呼祝匪私雲以名孫多衍實

按爾雅元孫之子為來孫來孫之子

為畢孫畢孫之子為仍孫仍孫之子為雲孫今歲  
皇元孫載錫年已十二再越五六年  
皇上有  
即可有慶得來孫之喜將見瓜綿總衍  
迤至雲孫逢吉叶占真史牒罕觀也

月當幾望

積



期頤

聖壽百齡期頤鴻慶從此億種京垓紀昇無極

睿吟兩什從禽獲

上年秋 駐蹕山莊以雨多罷獵  
時於 園中即鹿發轅命中有

御製獲鹿詩及再詠獲鹿之什 上於發機時  
審視鎡端星斗不異數十年前洵 神武天授

也 臣 謝墀

天廐千羣選駿騎

西域既歸版圖愛高罕哈薩克拔達  
亢山等部均獻其地所產良馬歸我

天閣

皇上掄其神駿

錫以嘉名有

四駿八駿十駿之號

皇上昔年於木蘭行獵

盤控飛馳臣下莫及近年來以 聖壽日增理  
宜尊養然每歲時巡 啟蹕及在熱河 觀

撥拈香每多

親御玉馳陟山振策洵由 鳩首

保佑自

天 康強純罔所以能此 鳩首

却扶行嬰鑠

皇上壽逾古制杖朝之歲而步履如常雖製鳩杖但備陳設而不御

屐 題方竹

杖詩什及之

蠅頭妙寫墨淋漓

精審每有 皇上目力

御製詩章錄下硃筆細書成稿或

題識古人

卷冊亦多蠅頭小字從不進用眼鏡如前歲題王

暈雪江圖上冬書石渠所藏 御筆命館臣入

吳三桂擒桂王由柳諭卷識語皆字體不越十分

寸之二分行布白寬綽有餘宣

階添萸萸春偏永

示內直翰臣無不欣喜悅服 今歲閏二月春令凡百二十日詔景延長

亦徵 錫羨延洪之慶 臣錢懋 船泛荷

蘭海有涯

昨冬兩廣總督長麟奏荷蘭國辦理國事呢噠破啡呢噠噶喇吐噠喇刺叮噠啤哩

四人代伊國王喊咻嘩喃哇哪噠奏本國王同公班衙世代沾恩感激抒誠命呢噠破等四人專差

貢使明勝表到京叩  
賀與元正朝會宴賽

寶號綿綿長稽自漢

自漢武帝始建兩字以紀年列代因  
之惟漢光武之建武宋文帝之元嘉

一元卅載餘即享國長久若漢武帝五十四年而  
改建元元光元朔元狩元鼎元封太初天漢太始  
征和後元凡十一號宋仁宗四十一年而改天聖  
明道景祐寶元康定慶厯皇祐至和嘉祐凡九號  
於大一統謹始之義何所取焉若明代雖無改元  
之事而世宗止四十五年神宗止四十八年亦無  
足論我朝聖祖御宇康熙六十一年已  
為自漢建元以來所未有我皇上念  
祖讓善紀元自乾隆元年至六十年實協告  
天祥符而自六十一年以至萬萬歲悠久無疆  
我大清法制之善聖  
祚之綿克越前代百王矣

鐙辭圓滿演由義

自丙寅上元 御製初唱鐙辭每  
年或四章六章八章不等卒未以後

則例成八章迨戊申上元計至乙卯當有六十四  
章與大易卦數恰合於是 御製每年八章依  
次嵌一卦名六十四卦名中平聲二十一皆押為  
韻仄聲四十三則於詩中見本字悉皆渾然天成  
巧不涉纖如歸妹  
等卦尤不可思議

壽循大撓環無極

今年聯句詩五福全備符願慶成德  
基福致從此撓甲萬輪 聖壽延

洪與天無極 國帑充盈年豐人裕四海長享康寧  
萬民咸知好德 盡性至命 聖人參贊之功位

育之效於斯備  
著矣 巨裴謙

富益摩醯數莫推宇宙清寧蜚乞

並地天

合德乘驪垂嚮疇用矣全昇

帝

臣秦承業

御敷眾同焉但祇台詠葳箕疇稱欽錫授臨舜典闡微


危丙辰職考成歸政

洪範九五福之考終命自來講家之說未備予以為終者謂終其事

即能盡其職也舜典言正月上日受終于文祖即始終其事之意堯授舜而堯之事終舜授禹而舜之事終人君受命于天能終其事即所謂考終命之福也惟漢苞成注論語天祿永終以天祿永長為吉語與洪範互相發明向於經筵御論中詳申其義明年元旦禪位嗣皇帝歸政于六十年抱蜀之職竟亢考成幸符初願不特燕華授受非出一家即竹書紀年所載夏后不降之禪於弟后扃而非禪子亦不能如今日之吉祥至唐

以後不得已而禱  
代者更不足論矣  
上日鴻蒙普福釐

御製詩五集卷九十三



欽定四庫全書

御製詩五集卷九十四

古今體七十七首 乙卯二

新正幸御園即事

六十乾隆

天眷諶奉時行慶御園臨賞燈張樂惟遵古悅近來遙  
覺盛今謙滿受招誠猶著居諸虧變惕誠深便宜幸勝

昨年况

昨年此時正當望澤茲來御園  
是處積雪優厚景色倍覺佳勝

玉積林庭沃朕



心

五福五代堂識望

箕疇九嚮兆祥言

皇祖書勲

皇考尊厯歲久經瞻

潛邸

皇祖御書五福堂以

賜皇

踐基重以署名園

皇考踐位後於圓明園中復摹  
奎章懸之是處予於甲辰得見

元孫因即於是堂並寧壽宮之景福宮及避暑山莊各  
增名五福五代堂扁額仰惟 詔謀篤慶肇錫嘉祥

而予今歲在位六十年幸符初願明歲即當歸政仰荷  
鴻禧實為史冊之所罕覩既以自慶更倍悚敬

欽承好德修身切幸近考終歸政繁五代孫欣年十二

踰三企望見來孫

元孫載錫年已十二再踰  
三年即可以得見來孫矣

### 永春亭

後湖東岸永春亭兩字

奎章萬古馨生物之方節臨向

是亭居湖東  
岸面向東

執規於意

景含青即看橐籥專煦嫗自有飛潛答色形念及吾民

得所否那能方寸暫怡寧

無倦齋口號

齋題忘置數旬春一語答由實切身深慕

天恩或符願明年即作倦勤人

湛碧軒

湖裔有軒久湛碧宿所名其義固因水乃茲來見水俯  
景別生會虛實象殊呈結為水靜寂化原水動頃而其  
湛與碧本一非二形更繹兩字間動輸覺靜羸以其無  
波瀾澄心者自明

題澤蘭堂

書堂號澤蘭樸斲謝青丹芸帙堪永日藤窻避薄寒燕

情報韶意水法列奇觀

堂北為西洋水法處蓋緣乾隆十八年西洋博爾都噶里雅國

來京朝貢聞彼處以水法為奇觀因念中國地大物博  
水法不過工巧之一端遂命住京之西洋人郎世寧造  
為此法俾來使至此瞻仰前歲噶喇圖使臣等至京  
朝貢亦令閱看深為歎服昨冬廣東督臣長麟撫臣朱  
珪奏荷蘭國使臣啊勝等以今歲為朕御極六十年大  
慶懇請來京朝賀鑒其數萬里外慕化悃誠因允其請  
已即於臘月到京新正並與朝賀宴賞節間令於是處  
觀看水法使知朕所嘉者遠人嚮化之誠若其任土作  
貢則中國之大何奇也洋使賀正至遠瀛合俾看

### 題文源閣

舉事原過六十時

癸巳年始命纂輯四庫全書時予已六十三歲方謂舉事稍遲觀成不易

乃閱十年至甲辰歲竟得次第歲事分度四閣今告成之後不覺又閱十年仰沐天恩實深感揚

天恩竟得早成之由來體大物博者何幸枕經藉史斯

覈勘勸懲亦既備

丁未駐蹕避暑山莊翻閱文津閣書籍見訛誤甚多即命皇子及扈從諸

臣先校閱三分之一並派在京之皇子及大小臣工詳校文淵文源二閣之書次年罰令未能校出之總校分校命原纂官率同以次遞勘文津文溯二閣之書嗣後又因看出訛誤令紀昀等詳加勘對先後校覈已經三次在諸臣先選優敘罰令重校勸懲之道無不由其自取但校書如掃落葉今雖已獲勘精詳猶未能信其竟

無訛  
誤也

魯魚亥豕豈無遺明年歸政應娛老言簡心閒合

罷詩

每年節後至文源閣輒有題句明年丙辰歸政後莅此亦可無事吟咏矣

暢觀軒口號

遲吐葉林無礙望蒼山新水也宜看曰三洪範常憂我

自審何曾一暢觀

碧瀾亭口號

虛為水即實為冰虛實何嘗有定稱輸與空空四柱者

水冰虛實聽其仍

安瀾園十詠

四宜書屋

四宜意喻四時宜園是新名屋舊基

予於壬午年南巡觀海塘地方大吏

即以海寧陳氏之陳園為行館因賜名曰安瀾回京後喜其結構之佳就御園四宜書屋左右前後肖其位置為之四宜書屋為圓明園四十景之一乃皇考時所創建也

仁者謂仁知謂知繫

辭義著合深思

涵秋堂

春初何遽曰涵秋試看櫺光可駐眸  
堦下纔融新水澹

清波一片素殊不

采芳洲

青蒲白芷發猶遲  
欲笑輞川句那為却看紐  
茅洲底者  
自知即有采芳時

遠秀山房

是處山房迴向西  
香山遠秀入簷低  
常年渴望積雪際  
渥野麥霑可慢褰

無邊風月之閣



風月無邊一閣閒  
春和秋爽兩猶嫺  
却緣惕息懷無逸  
片刻何曾樂此間

綠帷舫

舫室臨溪帷綠垂  
木蘭假借一名之  
風帆漫議艱浮泛  
曦牖試看時動移

葍經館

少小耽書是宿緣  
至今耄耄尚勤旃  
葍經館設刮目待  
猶我惟增意恧然

煙月清真樓

月色煙容萬古春  
清真豈自道清真  
吟容品色勞勞者  
應恐高樓暗笑人

飛睇亭

上元雖報立春遲  
旬閱冰融太液池  
翹睇乍欣迴雁度  
高飛何不可同之

染霞樓

高樓樸斲水邊為  
節稅何曾山藻施  
欲擬朱光拂几詠

卷九十四  
染霞應待夕陽時

乙卯春帖子

代謝六旬裏今年春最遲貞元運善長

上聲

昊貺普應知

新韶入上元一氣萬方暄奉若寰區布斂粦

大造恩

敬值修刑罷燈火

元宵燈火不過聊應節事原非必不可  
闕之典况管子有月食修刑之文而人

君藉此省惕亦所應然論語比之君子之過固屬至當是  
日因即罷張燈火至於遠村喧爆正不必禁所謂禮不下

庶人過如君子意夔虔遠村慶節聲喧爆不下庶人禮合然也

上元鐙詞 有序

貞主冬而元主春大矣純乾之始

上元日立春

鐙為火

而月為水時哉未濟之全撫韶景而播燕迎朝推靈憲而銀蟾示闕雖度行恒道事不紀於麟經而

德概脩刑論曾衷於管氏敬移宴節例舉抒詞溯

自明炳開旬昉吟七字

兩寅始作鐙詞

粵若重光紀麗定

詠八章

嚮或四章六章至辛未以後皆八章

大都重農事之田蠶亦

以聯藩情之賓雁今歲倏成於昨歲務去陳言千  
鎗相續乎一鎗思標新格爰以著雍之首序荆為  
排卦以系年隅八因重分章得一盖易之象必云  
時義而詩有律是曰元聲經以注經志存言志知

仁所樂山水

鎗宴在園之右  
曰山高水長

式燕申申雅頌吾得

坤乾抽思乙乙匪侈因難而見巧有取探數以歸  
竒每當火樹初生筆花爭吐字編珠而覺險句擊  
鉢以速成席間之客大蒙

戊中八章  
中蒙卦

天際之雲小

畜巳酉小畜卦瀛南賁什庚戌賁卦坎北鄉方辛亥坎卦晉諧伐

邑之占壬子晉卦困格來降之覲癸丑困卦圖砭俗於終南

進士甲寅歸妹卦句箴奢於閩嶠守臣本年節卦偶然觸類

而通正爾因文以見歲八度節經八度音一成卦

適一成自構新題洵逢嘉會凱奏十全之五臺灣臺安南

緬甸廓爾喀二次觴稱萬歲之三賦再免而恩週年八徵

而豐屢猶覽燈前之牘能揮燭下之豪荷蘭之海

萬重瓜瓞之齡一紀遂完雅什永言四始之疊雙

都括義經大衍二篇之積策七十二候月令之作  
從此引長一百七部全韻之篇同茲條理當屈指  
春秋之恒永迺轉瞬歲月之鼎來艮以成言乾惟  
行健憶首阼炷香之告撓甲遂臻乎六旬邇新正  
宴茗之聯箕疇克備乎五福均成符望竟獲遂初  
幸承

天

祖之篤貽默荷苞符之契兆佇來歲太和授璽元上元集赤

帝以會同更令辰御苑張鐙子天子躬綵衣而受養

雖云日至可坐致當識巽為小者亨

巽以一陰為主陰為月茲因元夕剝

融一切燕樂不舉然年例鐙詞不可闕且願

元夕鐙詞吟

翌夕不書敢用舊言成

羲象明標說先聲

去

民允亨應候燦鐙輪順時行慶去其

甚計丈何須高二句

新唐書載先天二年正月十五十六十七夜於安福門外作鐙輪高

二十丈衣

以錦綺飾

以金銀然五萬盞鐙暨之如花樹

云云上元張鐙義取順時行慶與民同樂何必踵事增華過為侈靡若唐時鐙輪之奢濃深足以為炯戒也



炬引桂漿渙蘭汁筵陳海錯更山穀對時一體君臣決  
應律三陽上下交

社火田蠶原不禁致和燿昧適相應君謨酬節謂多事

何必家燃七盞鐙

民間元夕設鐙以順節候祈田蠶原所不禁鼂氏客話載蔡君謨守福州

上元日命民間一家點鐙七盞陳烈作詩諷之始還輿罷鐙云云地方官吏以酬節為名導民繁費若蔡君謨

所為深所不取

謾言嘉夜共歡娛百五休和賴

烈謨

本朝自定鼎中原速今一朝百五十一年矣

保治持盈正斯日欽哉一德

勗中孚

修以刑思小過連

義見首章

遺音飛鳥訓明傳發難巧見竟

如志六十四章成佑

天

自戊申歲始以卦名嵌作

鐙詞

每年八章今歲乙

卯六十四卦適全仰蒙

吳蒼思佑實切感荷

月色燈光朗既濟今來昔去祇尋常諸刑居德虧相繼

宵責晝慚惕不遑

始詠於申卯歲功史經集子庫相同

予自癸巳始命纂輯經史子集四庫

全書時已六旬方謂卷帙浩繁不易成功閱十年竟得次第完竣茲鐙詞嵌六十四卦之作始事於申竣功於

卯與四庫全書之舉事遲而功得全藏  
者大略相同總沐天眷於無極也受終齊七逮未

濟四聖扶陽萬古通

歷年上元銓詞冊識語之作乃識過非識佳也夫清  
平之世上元佳節為君者幾暇之餘摘詞以紀乃事  
之宜何過之有而予以為過者非遜語實誠言也總  
計予六十年之中得詞四百一十二首已涉杜甫之  
譏然予自以為過者尚不啻此蓋詞冊之書共成三  
十二冊始於于敏中手蠅頭小楷以進者辛未以前

章之數原不論然其時尚有奉

懿歡事巡方撫新降諸盛典至敏中不能書命董誥繼

書以後

在辛丑

則外歸者益衆而侈節者增繁是非予

過其誰之過哉為人君者一偏於喜事好功增華飾  
盛之念未有不黷武事而詗昇平者予雖慎未至此  
而不得其志幸灾樂禍之人保無為此論者乎思及  
此而予之過更不待人言且自以為甚矣且伏羲六  
十四卦分詠八章以為成數則始自戊申為予七十

八歲之時七十八歲可謂老矣要平聲以八年於可必  
不可必之間茲竟與廿五歲期滿六十年之在位同  
荷

天眷以成符望則予之感

恩勅已懍懍危懼豈言語所能盡者哉則此識語所云  
識過者允出於誠而識過即所以識佳且即所以識  
幸觀此文者庶有以諒予乎

上元後一日家宴王公及曾元成句

節前節後宴相移

歲例上元前日家宴近支王公及曾元等今年以上元值望月蝕移外藩

王公上元之宴於前一日移家宴於今日

移宴之慙我自知調燮無能轅以

當去聲高明有象示誠宜亦惟乾惕壽實政敢復支吾事

飾辭勤倦來年諸務簡傳柑行葦付兒為

### 含經堂

例以節過

平聲

詠寢尋又此時

每年燈節後率先蒞此有詩宛成例事光陰迅駛不

覺又值此時復來拈韻矣

光陰誠迅矣風月豈殊其金柳雖遲候玉

梅原綻枝授終

虞書正月上日受終於文祖蓋在舜曰受在堯曰授也丙辰即當歸政而今歲

仍日孜孜勅幾理政至  
明年或可言倦勤耳

丙即至或可倦勤斯

### 題淳化軒

宮寧壽御園淳化

是處之淳化軒亦猶大內之寧壽宮皆豫為歸政後娛老之所也

都

為菟裘娛老居數歲以前豫立者一年已近即真子

天恩獨厚鑒由始衆意雖殷志踐初

于於踐作之初焚香告天若得

在位六十年即當歸政今已仰蒙在天  
下臣民以及外藩蒙古愛戴之誠以予精力康健

鑒佑幸符初願

猶昔無不望予未即倦勤者予亦未嘗不諒其  
惘忱願予已上告 吳蒼局敢有渝初志耶 廿五竟

符八六願

予即位時年已二十五歲以百歲計之已逾四分之一而當陳願之始實未計及在位六

十年壽當耄耋也明歲元日傳位嗣皇帝子則八十六  
歲若如所願自三代而後未有聞者予之仰蒙  
眷自非篤愛 豈容易得漫虛譽  
所獨鍾豈易臻此

### 擷景室

稚節倣韶方葢意紅情綠象未宜言空空室號擷景者  
冶冶昌昌性早存

### 待月樓

向東置樓牖因以額名焉素魄圖見早間吟偶遇使光  
欣今歲始篇覺五言鮮設曰喻鄉士更思所待賢



迎步廊口號

樓中有級下平墀墀繞迴廊步步宜適問所宜何處也  
無邊春意欲來時

靜香館戲題

前臨數頃湖而中無荷芰後圍幾疊山頗有松柏植無  
荷那有香有松實無味與其有無間我以靜為會是故  
額館名斯偶申其義

題鄒一桂十香圖

漫說羶薌自石湖解嘲亦更有髯蘇

石延年紅梅詩云  
認桃無綠葉辨杏

有青枝當時以為著題東坡詩云詩老不知梅格  
在更看綠葉與青枝蓋謂其不韻為紅梅解嘲也

若從

香處分伯仲白者當前究孰麤

### 右紅梅

直是盈盈洛水濱難稱香色與精神謂他雅蒜天葱者  
花譜中真最俗人

### 右水仙

體格由來殊衆芳肯同紅白較低昂深山自恨尋誰出

遂致繁稱四季香

秋蘭春蘭見於離騷九歌古今咏蘭者亦多言春秋未有言四時者按羣

芳譜載閩部疏云蘭以玉魷為最四季開者為珍又本草冠宗爽曰蘭葉潤且韌長及一二尺四時常青是不獨閩地氣暖為然矣北方蒔花者冬月亦能使之開枝向題圓明園御蘭芬詩有較雖三徑異可以四時開之句亦非無據耳

右蘭

長條雖木怯風禁白朶微香迷月臨底事曾無擬梅者

謂他中有奪朱心

右木香

薝蔔根源溯佛家

維摩經云如入薝蔔林中不聞他香惟聞薝蔔香酉陽雜俎云卮子卽西

域薝蔔花或曰薝蔔金色花小而香西方甚多非卮也然考廣羣芳譜載三柳軒雜識以卮子為禪客又長物志云薝蔔清芬佛家所重古稱禪友殆非虛言詠卮子詩者蘇軾云六花薝蔔林間佛朱子云何處飛來薝蔔林是卮子卽薝蔔無疑惟既入花譜則三品七命任好事者意為評論耳

色香惟淨兩無差

應慙誤入羣芳譜品命參差任漫加

### 右卮子

喻珠何事紫芳披無定名從來若斯孌娜惹人觀嗅者

其間多刺亦應知

右玫瑰

六月無梅休自詡紫陽何事淨塵誇

朱子茉莉花詩曠然塵慮盡為對夕

花對他畏冷趨炎態那免人間謂濁花

羣芳譜載茉莉花出自暖地性

畏寒喜腥肥之物壅灌故有清蘭花濁茉莉之目

右茉莉

摩羅疑自異方來

羣芳譜載百合一名摩羅似外國對音字又云都波國無稼穡以百合為

糧即如閩之番薯吳郡之芋頭皆可食耳

亦有微香撲鼻開百片問他何以

合

爾雅翼百合數十片相累故名百合言百片合成也故如人事凡百皆求投合必致如妻師德之訓弟令

其唾面自乾  
矣因戲及之  
想如唾面訓昆材  
爾雅釋言昆後也書昆  
命于元龜垂裕後昆之  
類是子弟皆可謂之後也詩王風  
謂他人昆朱博訓昆為凡似泥

### 右百合

根本幽巖不耐尋或慙一出遍園林若因四季開花較

晏享性終應勝庾

信

心

李燾長編載秦檜使人諭晏享為謀主享答曰為我謝秦公董

桂之性到老愈辣庾信詠春近餘雪詩綠條變柳色香氣動蘭心

### 右巖桂

春花不共共冬卉

善養菊者十月十一月間尚能開放惟春日從未之見

木讓皐

塗草獨芳可惜色香清淨體至今諸類混西洋

近年來頗多洋

菊種類甚繁殊  
混東籬正色

### 右菊

燕九日小宴廷臣作

癸丑甲寅兩歲連文筵繼罷識予愆

向來上元後一日  
小宴廷臣昨癸丑

甲寅兩年因十六日俱逢月食是以皆令罷宴并  
是日燈火亦令暫停然翌節紀事之什原不廢也

今年

移却上元日

舊例上元日於正大光明殿筵宴外藩及  
王公大臣等今年上元乃遇月食是以移

於十四日其十四日小宴宗親移於十六日而十六日  
之小宴廷臣移於茲燕九日既識慶寅仍弗礙慶節

燕九聊因節事傳曰惕曰慙難殫述修刑修德并增虔  
丙辰正朔將歸政集慶延祥敬籲

天

飛雲軒壁書今滿歲例惟餘此一談

每歲翌節之作俱書懸飛雲軒中積

年將滿今軒中恰有餘地可懸今年詩什

朔望分明示以兩剝虧那更繼而

三元旦上元相繼有剝蝕之災并昨癸丑甲寅均於十六日共成三次實予不德所致違敢例以春秋不書

乎適逢雖曰由日至無故豈其忘已慙詩史本來師杜

老獲麟絕筆或云堪

新正節宴歷年皆有題詠以識月日比於杜老詩史之意明年授政



後皆子皇帝之事予可以安閑隨意吟賞於  
凡依例錫宴聯句之什俱可無事拈韻矣

映清齋

巧樣齋方紈扇成風披冰映兩胥清坐來別有會心處  
順應無私在屏上聲縈

抒藻軒

今歲春遲候亦遲

上元日始立春

負冰魚陟始流澌綠蒲白芷

看全未待藻抒猶雨共之

節後萬壽山清漪園作

節後暇遊萬壽山新正詩例未宜刪畿南農詎資餘潤  
去秋畿南一帶雨多土脉本潤臘  
雪又獲優霑現在可以不望雨澤潦過民情塵痛瘵元  
夕元朝仍惕念春光春意那怡顏年前臘雪鱗塍集卜  
麥微欣指顧間

### 瑩心堂

潔俯石渠清據岡瑩心堂額學山莊

熱河亦有瑩心堂  
乃皇祖御筆

書類蘊為治本標典古發作政源效

祖皇諸慮一澄順應朗分言四勿廓然彰豫遊兼契考

功趣

錢起山齋獨坐詩心墨紅蓮水言志  
綠茗杯按唐書起曾官考功員外郎

亦曰因心敬

不遑

### 翠籟亭

山右畝平處滿然翠籟亭幾楹弗宇廓四面有窻櫺圍  
樹翠猶待微風籟未聽雖云寂耳目却早契聲形

### 清音山館

嫩蘖初稊未吐林清哉風拂欠成音於斯可悟精微理  
耳識聲應作始尋

藕香榭口號

避暑山莊歲以常幾曾荷際一憑芳祇饒兩字臨溪榭  
消受恒年曰藕香

養雲軒

名山必生雲雲實藉乎養一往而弗留作雪艱致廣於  
春正合斯軒名副醞釀叶然亦須有施東郊于耜仰念  
每先乎民夫豈為遊賞

惠山園八景

尋詩逕

萬壽山園學惠山九龍八景不勞攀予心寧在風光美  
依媚民情想像間

涵光洞

嗽嗽中尋石徑崇到來牝洞祇空空因幽識得涵光趣

方寸大千應去聲不窮

墨妙軒

三希石已鐫墨妙審鑿間去聲猶半假真向錫三希堂法帖集內府所藏

名蹟自晉魏至元明無不備列後於甲戌歲又取石渠寶笈中名人墨蹟擇其尤佳者鈎摹勒石嵌此軒壁間因以墨妙顏之二帖鑒別精密迥非外間法帖所及但往代舊蹟閱歲既久或有出於摹臨難免真假參半要其精采自不可泯正鮮暇撫臨還自笑於中無乃廢精不必過於推求也

神

### 載時堂

幾轉梁溪橋過水書堂水裔待相宜如云俯仰為何令恰似江南二月時

### 知魚橋

新水溶溶弱練披開奩綠藻欲生時負水纔罷錦鱗脫  
樂否惟魚任自知

就雲樓

昨歲優霖土尚潤麥田高下綠芃芃層樓一暢東郊目

就景非殷望意中

此際不至切望雲也

澹碧齋

石罅吐泉猶覺澀就平亦有嫩波鋪憑欄底識澹然意  
似待條風拂綠蒲

水樂亭

江南燕北兩名之更憶餘杭亦有斯

杭之西湖亦有水樂洞在煙霞嶺下

與石屋洞相近

既水不妨即稱樂八音何必泥

去聲金絲

鏡水齋有會

齋前春水生因繹鏡之名動或波瀾混靜方形色明寄  
言來照者應識有為呈一語更稱約其端兩在清

芳暉樓

候遲今歲芳猶勒祇有臨隄柳漸黃層閣如云漫須急



春暉會攬遞昌昌

題和闐玉竹溪六逸筆筒

玉工祛俗樣六逸繪傳唐二客似曾識

謂李白孔巢父

四人則

久忘

韓準裴政張叔明陶河見李白傳而各無本傳

山林恣遊佚詩酒樂相羊

五字詠玉器

致虛閣雜俎載王獻之有斑竹筆筒名裘鍾世無其匹

八仙異杜章

德勝門外作

出由西直進德勝近歲還宮率此行雪後潤郊冬麥茁

歷觀頗勝去年情

祇有壬年雪裏度丑寅相繼望猶仍風霾昨晚幸即止  
怵惕又虞作暎徵

卷畫軒

未看稊柳覓金楊卷畫軒猶勒衆芳繪事悟知當後素  
宣尼用躋起予商

蟠青室

室外圍諸峯蟠青名合受結構此殊他乃於室中有斯  
室塔山西山半得平畝依巖入屋直降屋屨步陡樓而

非木梯疊級嶽寄走層青左右蟠虛白玲瓏透叶一奇  
無不奇幻景活畫偶以此弗屢吟吟乃覺自醜

鏡香書屋

精室臨溪號鏡香冰光中那襲荷芳緗編高下插芸架  
味是古馨較彼長

二月朔日作

食胙欣承

家法先國朝定制二月朔日於坤寧宮大祭月神是日命皇子皇孫曾元及王公大臣等食胙肉

家法相沿  
敬繩弗替  
文華講豫祭

心傳

翌日御經筵例於黎明命大學士一員祭殿今歲為予在位六十年是以仍躬親致祭以盡

虔肅  
之誠  
諸凡舊例遵

垂訓

坤寧宮食胙肉子率皇子孫曾元等皆親自割肉用昭恭敬受福之意因憶太宗實錄載崇德

元年訓諭諸臣云先時儒臣巴克什達海庫爾禪屢勸朕改滿洲衣冠效漢人服式朕不納並設為比喻如我等於此聚集寬衣大袖左佩矢右挾弓忽遇碩翁科羅巴圖魯勞薩挺身笑入我等能禦之乎若廢騎射寬衣大袖待他人割肉而後食與尚左手之人何異等諭于昔年讀至此實恐日後子孫忘舊制而效漢俗曾敬述此諭立卧碑於箭廳鐫示子孫臣庶恪遵先訓以綿丕基今日率皇子孫曾元等於此食胙不

禁齋過慮復為諄切申戒我子孫率由不忘實我大清億萬年無疆之福也一日清齋合徹

懸祭 傳心殿例不齋戒然子既躬親致祭前一日應合齋心不舉音樂用申儆恪 蒞史枕經

從幼慣華燈廣樂肯情牽明窻靜對無餘事眼瞥流陰

六十年

御經筵日親祭

傳心殿敬成

每歲御經筵先期派大學士一員於是日黎明至

傳心殿恭祭

皇師

帝師

王師

先聖

先師今歲予以在位六十年夙契心傳更符初願躬  
親將事用展敬虔

文華殿側

傳心殿祭以經筵義本深承祀例應大學士升香一閱

五旬今

予即位後於乾隆六年御經筵日親祀  
殿一次以後依中祀之例每歲遣大學士致

祭儀指已五  
十五年矣

外王內聖幼知重日引月長耄逮諶十六

字猶能背讀行何有我愧成吟

春仲經筵

對越

崇祠致敬虔文華咫尺御經筵居今稽古春中月望道

勤民六十年敦化流川那小大達聰明目勗仔肩

是日  
四書

講小德川流大德敦化書經講  
聖聰明作元后元后作民父母

丙辰講席應兇事詩示

心傳及政傳

乾隆戊午春肇舉經筵之典親製論二篇宣示迨今歲  
乙卯其間非有巡幸諸事歲必行之綜計六十年中御  
講筵者四十九次得論凡九十八篇向無手錄之本乙  
巳秋山莊幾暇因將戊午至癸卯以前之論彙書一通  
釐為五冊其自丙午近十年以來之論則每歲經筵後  
於養心殿續書之自為一冊附裝焉予仰蒙

天恩



皇朝通志卷九十四  
祖眷踐阼週甲克遂初心明年丙辰正月上日即當歸  
政嗣後經筵為子皇帝之事予可以不復御文華親  
講矣因命將此六冊陳之文華殿以誌數典予自幼

讀書服膺

孔子之訓今當八句有五而好學孜孜未曾少閒是以  
歷年經筵論中樹義闡微時有心得固不敢離經叛  
異亦非欲與經師講家較短絜長惟期因文見道闡  
明先聖立言之旨以示治世臨民總不出古聖心傳

政要修已立誠我子孫臨講席者其聰聽之乾隆乙卯仲春御識

經筵畢文淵閣賜茶之作

六十經筵絕筆應明年欣看子之承

明年丙辰元旦歸政後予豈遂耽安

聞不為經理庶務至如朝祭講學一切典禮自屬子皇帝之事予可以顧適觀成洵千古未有之嘉祥也千

秋鮮有嘉祥事一晌不無感慨增學未至精今棄學徵  
惟在政那堪徵文淵閣賜茶臨座曰惜曰慙念兩仍

御製詩五集卷九十四